

نور کے پوری

ناشرى : تورك يوردى

مدیری : آق چوره اوغلی یوسف

پیل ۳ جلد ۶ صا ۶۳

۳ نیکان ۱۳۳۰

پیل ۱۳۳۰ ص ۳

طبعات

مرحوم استاد اکرم حقنده

ایمپراطور لاق خارچنده کی تورکلرک مطبوعاتی ده مرحوم استادک وفاتی ماتمه اشتراک ایتدیله . شمال تورک ادیبلرک الک مشهورلرندن عیاض الاسحاقی نک اداره تحریریه سی آلتنده پترسبورغده چیقسان ایل جریده سی مرحومک وفاته وشخصیت ادبیه سنه دأر تأثرات و مطالعاتی شویله آکلاتیوردی .

کانون ثانیئک ۱۸ نجی کونی استانبولده اکرم بک وفات ایتدی . اکرم ، تورک دنیا سنک بویوک سیالرندن ، تورک ادبیات عالمک ایلک صفنده طوران بویوک ادیبلرندن ایدی . اونک وفاتی بوتون تورک ادبیاتی ایچون بویوک برضیاعدر . اکرم بک ، ضیا پاشا و نامق کمال ایله باشلایان تجدد ادبی عصرنده هنوز بک کنج ایکن ادبیات میداننه آتیمشدی . احمد مدحت افندی ، ابوالضیاء توفیق و عبدالحق حامد بکلرله عصر داش ایدی ، بوتلر عین دورده خدمت ایتدیله . « اکرم بک یالکز اینجه شعرلر یازمادی ، تورک ادبیاتنده امثالی نادر منشور اثرلرده وجوده کتیردی .

«عربه سوداسی» تورک ادبیاتنده اونودیلجه قی ائرلرندیر . اکرم بک اسلوب جهتیله ، محمد امین بک و محمد امین بک مکتبی اولان «تورک یوردجیلر» کی صاف تورکجه یازمیور ایدیسه ده - بر اثرک ادبی تلقی اولنماسیچون فارسی و عربی سوزلرک یرلی یرسز سوقوشدیریلمه سی کایدیر ، اعتقادنده بولونالردن ده دکلدی : اکرم بک تورک روحلی برتورک ادبی ایدی . او ، بویوک بیله تورکلرک بویوک ادیبلرندن صابیلان بعضلری کی فرانسز ویایتالیان حیات و معیشتنی عیناً آلوب ، اوراده کی موسیولرک باشنه آزیچق ایلشدیریلمیش فس قویهرق ، ماداملرک اوستنده ده شاقاچقندن چارشاف اورتیرک «تورکجه لشدیروب» ملی رومان دییه اثر میداننه چیقاران کیمسه لر دن دکلدی . او ، اثرلرنده تورک حیاتی ، تورک روحنی کوسترییوردی .

«دورحمیدیه» اکرم بک اداره مطلقه یه قارشى آچیقندن آچیغه قیام ایدن اختلافلی حریتپرورلردن دکال ایدیسه ده ، پادشاهک هر امرینه باش آگهن محررلردن ده اولمادی ؛ او ، تمیز قلبی ، شاعر طبیعتلی حقیق برتورکدی .

«عثمانلی تورک محررلرینک همان هپسی کی اکرم ده حکومت دائره لرنده خدمت ایتدی ، سلسله مراتبک باصامقلرندن چیقهرق ، معارف نظارتنده الک یوکسک مرتبه یه

قدر ایردی . اولجه ملکیه مکتبده ادبیات پروفیسوراسکی ایتشدی . حریت کلدکدن سوکره معارف ناظری اولدی .

اکرم بک ، صوک کونلرنده آرز یازیوردی . پک قیسه سورن بر خسته لقله وفات ایتدی . ایکی بیک جلدلک بویوک و قیمتدار کتابخانه سینی ده ملتته هدیه ووقف ایدوب براقدی .

با کوده چیقان « اقبال » غزته سی استادک وفاتی حقنه شوپله بیان مطالعه ایدیور : « ... اکرم بک ، تورکیه ده « ادبیات جدید » نامیله باشلایان مسلک ادبی یه اک زیاده روح ویرن و بوباده خیلی اثرلر یازان مقتدر برشاعر و ادیب ایدی . بو مسلک ادبی ، هر نه قدر تورک روحنه تورک حیات و حسیاته پک ده غذا و بره جک اثرلر وجوده کتیرمدیسه ده هیچ اولمازسه اسکی « ایرانیزم » دن آزاد اولیه یاقینلاشمش و اوروپا دویغولرینه ، اوروپا دوشونجه لرینه ظاهر تقلید اثری اوله رقی وجوده کلش بر « ادبیات عثمانیه » احداث ایلشدر . ایسته بو « طرز نویده » ادبیاتک اک قوتلی ستونلرندن بری شاعر مرحوم اکرم بک ایدی . بو ذاتک زوالیله عثمانلی هیثات شعرا و ادباسی پک مقتدر بر عضونی غائب ایلش اولیور . »

اوفاده چیقان « طورمش » ، « اسلام دنیا سنده بویوک ضایعات » دبه یازدیغنی باش مقاله ده ، تورکیه نك صوک سنده لرده اوغر ادینی ضایعات عظیمه نی کال تأثرله صایار کن : « بیچاره تورکیه نك ، برحمتی طور ااغندن بویوک بر بارچه سی ، نیجه نیجه بیک آرسلان اولادینی محاربه ده غائب ایتیه سی کافی کلیورمش کبی ، بر طرفدن عزرائیل قرشته تورکلرک اک بویوک عالم لرینی ، ادیبلرینی سچوب طویل امله مشغولدر : صوک پوسته ایله کان مؤلم خبرلردن بریسی تورکیه نك اک بویوک شاعر ادیبلرندن رجائی زاده اکرم بک افندی نك وفاتی خبریدر . اکرم بک تورک ادبیاتنه پک بویوک خدمت ایتش ، وطن پرور و صربی وطن بر معلم و ادیب ایدی . »

تورک لک شیرینی

تورک لک شیرینی آغار نانه شاهانه برار . — بالقان مغلوبیتک آجیسی تورک هیأت اجتماعیه سنک اک یوکسک طبقه سنده بولنان نخب روحلری ، موقع اجتماعیلر نك علوی نسیبتنده شدتلی المرحس ایتدیوردی . شهزاده پرنس عبدالحمید افندی حضر تلر نك حقیقی و یوکسک بر استعداد (Talent) صنعتکاری ایله ترسیم بیوردقلری وطن پرورانه لوحه لر ، خاندان آل عثمانک بو غیمه دن طویدینی تأثراتک اک بلند نمونه لریدر . اخلاق ، بدیی و تاریخی قیمتلری فوق العاده یوکسک اولان بو لوحه لر دن بریسی ، بوسنه پاریسک بویوک صالونی تزین ایتکده بولنیور . لوحه ، بالقان حریتدن سوکره ماصیه سربلی خریطه اوزرندن قیز و اوغل ایکی جوجفته « درس انباه » ویرن بر بابانی کویسترمکده در . تأثرله چکیمه طایانان آل و بارمقلر ، بو محترم بابانک یوزغی ستر ایدیورسه ده ، فضیلت و ذکا طاشان دوشونجه لی یوکسک و جیق آیین ، جوجقلرک